

iPhone 變竊聽器

電影《竊聽風雲2》入面，吳彥祖只要戴住部偷聽器，只要竊聽目標部電話電池冇拆，就算咗咗機佢一樣可以竊聽到！大家咪以為係天方夜譚，據 Jeffrey 講：「而家嘅電話如果經過改装，唔單止會被人竊聽咁簡單，好似 iPhone 經改装後，除咗係部偷聽器，連打出打入嘅電話 no.、SMS 都可以截取，重有 GPS，即係機主喺邊都走唔出你手指罅！不過大前提係對方要俾部機你改囉！被竊聽對象當然唔會主動俾部 iPhone 人改啦！所以有行家會提供上門改装服務。」據 Jeffrey 講，原來好多聘請私家偵探竊聽嘅客人，有9成都是係咗捉姦。「坊間會提供上門改装服務，將客人嘅丈夫/太太部電話極速改装成偷聽器，再放回原處，神不知鬼不覺！」 Jeffrey 重話一般憑肉眼好難發現到，要俾番佢哋同事 check 先知道有無改装嗰！香港咁多人用 iPhone，你都咪話唔心驚！



Jeffrey Ho, 80後，弘景安私家偵探社高級偵探。

上門改装 iPhone 4 部曲

Jeffrey 話，上門幫客改装好普遍，以下就搵 Jeffrey 助手 Justin 模擬一次整個行動。



預約

1

事主如果要預約上門，要之前一早俾咗訂金，而且確定上門時間。



接貨

2


然後偵探會帶齊改装器材，包括電腦、晶片等，半夜上門「收機」。事主會趁另一半瞓咗，將自己老公/男友嘅電話，靜難難嘅門轉交俾偵探「改機」。



後巷改機

3

工作人員會喺門口或後巷即時改装，其間佢要一眼關七，好似要應付看更巡樓嘅問題。「因為係半夜，所以多數冇乜問題，但當然要小心啦！」



改完即竊

4

整個改装過程約 1 小時，高手會以商業秘密為由，唔肯透露當中詳細過程。不過上門收費動輒都數萬元，唔係個個使得起！

反竊3寶

雖然講到偷聽偷拍好似避無可避，不過你有張良計，我都有過長梯！只要手上有反竊聽偵測儀器，一樣可以反偷拍反竊聽！ Jeffrey 就介紹3款反竊3寶大家知。



密偈防護罩

一開着呢個訊號干擾器，就可以阻擋方圓1,000呎嘅所有任何訊號傳輸活動！實地測試啟動後5秒，Jeffery 同小記手上嘅手電訊息即時跌到1格都有（上圖）！因而所有錄音或竊錄嘅器材亦會被干擾。不過干擾器唔可以亂用，因為影響到人就算犯法喇！



偵測雷達

約 \$1,500

呢個偵測器只要一開着，就可以即時 detect 到附近有冇偷拍儀器，Jeffrey 解釋：「因為所有竊聽或竊錄嘅產品都會發出電磁波，一偵測到就會必必聲，但首要係係唔好所以 Wi-Fi 先可進行，唔係就會係咁！」



反竊天眼通

約 \$600

利用紅外線，可以透過鏡頭用眼直接望到邊度有鏡頭，不過都幾考眼力！好似表上面嘅鏡頭，睇紅外線鏡頭下會見到閃閃下！（細圖）